

通化縣志

通化縣志卷二

人民總序

善夫馬貴與先生之言曰古者戶口少而皆才智之人後世生齒繁而多窳惰之輩烏虜吾反覆誦公之言而不禁慄然以懼也夫等是人也古之人方其爲士則道問學及其爲農則力稼穡及其爲工商則懋遷有無及其爲兵則嫻戰陣投之所向無不如意此三代之民所以熙熙皞皞而無凍餒之患也若降至晚近則不然矣士拘於經義辭章而授以介冑則慙農安於隴畝而問之刀筆則廢商安於市廛而令之執戈矛則怯兵習於怠惰而使之守城則倍畔甚者謀不足以剪除姦兇而詐足以威揚禍福勇不足以鎮衛社稷而暴足以

侵害閭里嗚呼古之所謂爲民者四今之所謂爲民者不知凡幾矣
古之所謂農之家一者而今之食粟者不知凡幾矣古之所謂工之
家一者而今之用器者不知凡幾矣古之所謂賈之家一者而今之
資焉者又不知凡幾矣是以生寡食衆用急爲舒遂致天不能養地
不能長百物不能產而至於不可以爲生矣雖有上聖其若之何爲
今之計欲厚民風而端趨向宜普及學校以固結人心嚴禁無秩序
之平等無界說之自由並望鄉賢鄉紳之強有力者銳意於民德民
風提倡忠孝以爲修身之本廣播節烈以爲齊家之源並宜將先賢
先哲之嘉言懿行可歌可泣者妥爲講演以資鼓勵庶幾水流涇火
就燥一人向善輒千萬人亦與之俱爲善矣雖然移風易俗類非俗

吏之所能爲也世之關心民瘼者或不河漢余言乎爰志人民首叙
耆舊次斜科舉再次叙學校再次叙鄉宦再次叙鄉賢再次叙鄉紳
再次叙義勇再次叙節烈再次叙孝友再次叙公益再次叙方伎再
次叙流寓再次叙自治再次叙戶口再次叙兵事再次叙禮俗再次
叙宗教再次叙慈善再次叙僑民計分十九門都爲第二卷

人物志

語曰十步之內必有芳草十室之邑必有忠信通化境屬白山綿亘
佟水清漪其扶輿磅礴之氣山川鍾毓之靈自必有賢人君子淑女
賢媛應運而出藉以維持風化砥礪士行焉惟我縣設治較晚文化
未能普及僻佐山陬之民其庸言庸行可傳諸志乘而採訪尙有未
及者爲不少矣是編所載耆舊鄉賢忠孝節義或本史乘之流傳或
徵旌坊之實蹟其信而傳疑者不錄焉所望後之覽者念前人之懿
行垂來櫜之法戒務宜父詔兄勉家諭戶曉以嘉言懿行爲規範以
服務社會爲天職庶幾風俗不變人才蔚興則非特閭里之光抑亦
邦家之榮也因以志人物

濟家之榮山因以志人神

鼎沸鼎會為天顯烈燄風俗不變人本葆興明非特顯甲之事也
行垂來繼之志雖舊宜父臨只故家痛只刻以嘉言繼行益更顯
燄越越之實顯其言而粉顯者不幾為祠室於之賢者念前人之
又者益不少矣是顯祠即舊舊顯賢忠孝節義之本也乘之而顯
未始者又獨為山祠之另其事言顯行何粉顯志乘而特顯尚
賢顯顯派而出顯以顯其風外顯顯士行無顯其顯顯顯顯文外
外水部顯其封典顯顯之顯山川顯顯之顯自為官賢人傳千
顯曰十丈之內必育芳草十室之內必育忠臣外顯顯白山顯

人神志

人物志

王世耆舊

通化本屬遼東郡地舉凡秦漢以後遼東之人物卽爲我邑之人物

亦卽我邑之鄉賢物望也爰於盛京通志採擇耆舊以資後人觀感

李久遼東人漢安帝時海賊張伯路寇東萊爲青州刺史法雄

所破逃還遼東久率鄉勇等共斬之遼地賴之以安

高詡遼東人生於晉時善天文有權略因永嘉之亂避地隱居

後爲郎中令又進爲元菟太守及凱破慕容仁復遼東欲盡坑

其民詡諫止之

晁清遼東人生於南北朝時襲伯爵戍守梁師攻圍糧盡城陷

清抗節不屈後贈樂陵太守謚曰忠

高 憲 遼東人生於金時天資穎悟博學強記爲博州防禦判官

後遼陽城破死於難

高應詔 遼東人明時以指揮同知分防水冶鎮明末流賊東下應

詔率兵連戰破之賊大舉入寇復拒之於倪村孤軍援絕遂戰

死賊退民求得其屍葬鎮之東原

楊國柱 字廷石明時人籍屬遼東精騎射以功佩將軍印總宣鎮

兵死於戰建祠歲祀額曰旌烈

王世泰 遼東人明崇禎時以歲貢知內邱寇掠西山弟世寧禦之

戰死

李輔明 遼東人明時任山西總兵官罷歸戰歿於寧遠贈左都督
列壇前屯衛祀之

李允升 遼東人順治六年以貢生知長子縣姜逆之亂其黨沈某
夜半冒官兵入城允升被執不屈死之

吳國用 遼東人順治六年知霍印縣時陳伯紹倡亂擁衆入城國
用揮刀躍馬率甲士巷戰力盡自刎贈按察司僉事廕一子

劉秉權 遼東人康熙七年巡撫廣東懲貪墨禁加派革供應風紀
肅然時方巡然展界秉權安插男女十六萬有奇墾田二萬五
千餘頃至復竈丁而鹽課足減屯賦而戍卒安重師儒而文風
振皆治績之最著者也後以積勞卒於官

徐起元 遼東人明萬歷壬子舉人爲鄆陽巡撫適當闖賊之亂起
元以秘計殺賊孤城獨完及清朝以功封太子大保卒諡僖靖
張文德 遼東人順治三年知垣曲縣刑清政簡潔已愛民卒於官
士民感涕建祠祀之

吳國祚 遼東人順治六年以貢生授垣曲縣令
卒於官士民感涕建祠祀之

科舉志

舉人

李祖培 字蔭滋縣西四區老把頭攻人也幼時讀書別有慧心師
曾譽之曰此棟梁材也果於丁酉年舉於鄉後主長春黑龍
江書院山長多年詩文雄邁書法圓潤

魁 斌 字文閣樣子哨人也書法平正惟淹貫經史爲文取法古
文而不規規於時藝登甲午賢書

武舉

馮景山 有膂力善騎射頗有驍勇縣城人也

恩貢

王紹蘭 字甌臣縣城人也賦性忠誠治家有法

歲貢

張忠愛 字子博縣城人人極沈着性喜吟咏著有篁村詩集現已

散佚

據 縣志 王文閣科干卽人也書法平五州新買縣史公文取法古

為書詞山長參平詩文無惡書法圓轉

曾譽之曰此射梁材山果外丁酉年舉外職翁主其春熙龍

李脈淵 字通緒綽西四國朱吡應人也收利隨書眼有慈心詞

舉人

降舉志

大學校畢業生志

蕭注禹 字宜民其先祖籍黑山宦遊瀋水遂家焉後移居本邑爲縣名族君幼而好學手不釋卷畢業於北京中國大學法科政治系歷充中俄交涉會議兩署事務員塞北關監督公署秘書上辦事奉天法庫縣公署秘書河北安次縣官產局總務科科長等職嗣以親老多病弟幼子亦少不更事於事變後歸奉菽水承歡膝前趙公錫三任圖書館長薦君襄助多利賴之君亦樂爲地方盡力酬水土恩云

楊福第 前北京民國大學法科畢業生歷充吉林陸軍整理處書記長各軍書記官軍法官官等職離鄉游宦多年未歸近聞已作

古人矣

袁常恩

字光顏北京中國大學法科政治系畢業歷充奉天遼源

縣第二科科長承審員省立第四中學教員現任遼源師範國

文教員

楊金聲

字振之畢業於北京中國大學法科政治系曾任錦縣地

方法院書記官鐵嶺地方法院學習推事遼源縣清鄉承審員

第四軍管區騎兵第一旅軍需處長等職現任熱河省圍場縣

承審員君性慷慨篤於友誼爲朋儕所樂近云

張國權

字偉民北京大學預科畢業歷充本縣初級中學教員校

長等職

蘇 穢 字雨時天性孝友篤守倫常尤愛交遊尙義氣重然諾慷

慨施予無難色也爲北京中國大學文科中國文學系畢業生
曾充黑龍江省電話局科員事務主任等職現任哈爾濱特別

市公署屬官

蘇 桐 字雨田雨時君之介弟也爲北京中國大學法科政治系

肄業生因奉票毛荒金融緊急學費無出中途輟業論者多爲
君惜而君投身新聞界初爲實聞通信社及實報主任記者爲
新聞界聞人現獨立經營實聞通信社爲同人所推重

王永昌 字應五畢業於北平大學工學院電學科現任中國無線
電業公司上海製造廠主任君性恬靜厚重寡言具有科學家

態度爲該公司所依賴

趙鴻儒 字笑菴爲前東北大學文科英文系肄業生應瀋海鐵路局從業員考試列前茅實習後即供職於梅河口車站爲副站長歷轉營盤西安各站近聞轉勤奉山路究爲何站則未之悉也

黃成熹 字雨三爲東北大學理工學院理工系肄業生考取瀋海路從業員實習後供職數年因事辭退現任縣立西門裏小學校教員

周世富 字經九東北大學理工學院理工系畢業任職於前鐵路總局轉勤與否未得確息